

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10), a u vezi sa članom 29. Zakona o zaštiti zraka („Službene novine FBiH“ broj: 33/03 i 4/10) i članom 2. tačka h) Zakona o povjeravanju javnih ovlaštenja iz oblasti zaštite okoliša („Službene novine Zeničko-dobojskog kantona“ broj: 12/13), na prijedlog Ministarstva za prosotno uređenje, promet i komunikacije i zaštitu okoline, Vlada Zeničko-dobojskog kantona, na 22. sjednici, održanoj dana 27.09.2019. godine, d o n o s i

ODLUKU

o pokretanju postupka izrade Akcionog plana zaštite kvaliteta zraka za područje Zeničko-dobojskog kantona

Član 1.

(Predmet i ciljevi)

Ovom Odlukom pokreće se postupak izrade Akcionog plana zaštite kvaliteta zraka za područje Zeničko-dobojskog kantona (u daljem tekstu: Akcioni plan), sa ciljem:

- Izbjegavanja, sprečavanja ili smanjenja štetnih posljedica po ljudsko zdravlje, kvalitet života i okoliš u cjelini;
- Uspostave, održavanja i unaprjeđivanja cjelovitog sistema upravljanja kvalitetom zraka;
- Očuvanja kvalitete zraka ako je zrak čist ili neznatno zagađen, te poboljšavanje kvalitete zraka u slučajevima zagađenosti;
- Procjene kvalitete zraka i pribavljanja odgovarajućih podataka o kvaliteti zraka na osnovu standardnih metoda i mjerila koji se primjenjuju na području Zeničko-dobojskog kantona;
- Korištenja efikasnijih tehnologija s obzirom na potrošnju energije te poticanja upotrebe obnovljivih izvora energije;
- Osiguravanja dostupnosti informacija o kvaliteti zraka i emisijama zagađujućih tvari u zrak;
- Izvršavanja obaveza BiH preuzetih međunarodnim ugovorima i sporazumima;
- Osiguravanja učešća javnosti u rješavanju okolišnih problema, te poboljšanja transparentnosti i kvaliteta procesa donošenja odluka o okolišu;
- Prepoznavanja potrebe i mogućnost regionalnog povezivanja sa ciljem rješavanja zajedničkih okolišnih problema;
- Stvaranja osnove za pristup izvorima finansijskih sredstava (EU fondovima, povoljnim kreditnim linijama, privatni kapital, e itd.) za buduće rješavanje konkretnih okolišnih problema;
- Doprinos razvoju Zeničko-dobojskog kantona kao «Evropskog regiona».

Član 2.

(Sadržaj Akcionog plana i metodologija izrade)

Akcioni plan treba da sadrži:

- lokaciju područja pretjerane zagađenosti (regioni, gradovi) i lokaciju stanica za mjerenje kvaliteta zraka;
- opse informacije o vrsti područja (grad, industrijska ili ruralna oblast);
- procjenu površine zagađenog područja i broja stanovnika izloženog zagađivanju;
- potrebne klimatske podatke;
- relevantne topografske podatke;
- prirodu i procjenu zagađivanja kao što su koncentracije uočene u prethodnim godinama, tehnike koje se koriste za procjenu;
- porijeklo zagađivanja kao što je lista osnovnih izvora emisije odgovornih za zagađivanje (mapa), ukupna količina emisija iz ovih izvora (tona godišnje), informacije o zagađivanju koje dolaze iz drugih područja;
- analizu situacije kao što je detaljan opis onih faktora koji su prouzrokovali prekoračenje (prijenos, uključujući prekogranični prijenos, oblik), detaljan opis mogućih mjera za

- poboljšanje kvaliteta zraka;
- Opis mjera ili projekata koje treba usvojiti radi smanjenja zagađivanja;
- procjenu planiranog poboljšanja kvaliteta zraka i vremena koje je potrebno da bi se postigli ovi ciljevi;
- neophodne budžetske zahtjeve (sredstva, osoblje, informacije i sl.) koji iziskuju planirano poboljšanje kvaliteta zraka.

Član 3. **(Obezbeđenje sredstava)**

Sredstva potrebna za izradu Akcionog plana obezbeđena su iz Budžeta Zeničko-dobojskog kantona i to iz namjenskih sredstava Fonda za zaštitu okoline u skladu sa Programom utroška sredstava Univerziteta u Zenici, Institut „Kemal Kapetanović“ Zenica kojeg je usvojila Vlada Zeničko-dobojskog kantona, Zaključkom broj: 02-14-9913/19 od 12.06.2019. godine.

Član 4. **(Rok izrade)**

Rok izrade Akcionog plana je šest mjeseci od usvajanja Odluke o pokretanju postupka izrade Akcionog plana.

Član 5. **(Nosilac pripreme i nosilac izrade)**

Nosilac pripreme Akcionog plana je Vlada Zeničko-dobojskog kantona, putem Ministarstva za prostorno uređenje, promet i komunikacije i zaštitu okoline, a nosilac izrade je Univerzitet u Zenici, Institut „Kemal Kapetanović“ Zenica.

Nosilac pripreme će nosiocu izrade Akcionog plana osigurati potrebne podloge i dokumentaciju rađenu na teritoriju kantona, a nosilac izrade je dužan za izradu Akcionog plana koristiti važeće dokumente.

Član 6. **(Radni tim)**

Nosilac izrade Akcionog plana Univerzitet u Zenici, Organizaciona jedinica Institut „Kemal Kapetanović“ Zenica će rješenjem imenovati voditelja projekta izrade Akcionog plana i radni tim koji će biti nosilac izrade.

Član 7. **(Stupanje na snagu)**

Odluka stupa na snagu danom donošenja, a bit će objavljena u „Službenim novinama Zeničko-dobojskog kantona“.

Broj: 02-23-14586/19
Datum, 27.09.2019. godine
Z e n i c a

PREMIJER

Mirza Ganić

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,
1x Institut „Kemal Kapetanović“ Zenica, putem ministarstva,
1x „Službene novine Zeničko-dobojskog kantona“,
1x a/a.